



其四十二
外科發揮

l

四五

武
584
32



門
第
五
八
四
號

外科發揮卷之四

薛氏醫按

吳郡薛 已著

新都吳玄有校

國朝
圖書
印

國朝
圖書
印

脫疽謂丁生於足指或足背而自脫故名脫疽亦有發於手指者名曰蛇節丁重者腐去本節輕者筋變

焮痛者除濕攻毒更以隔蒜灸至不痛

焮痛或不痛者隔蒜灸之更用解毒藥若色黑急割去速服補

劑庶可救黑延上亦不治

色赤焮痛者托裏消毒更兼灸

作渴者滋陰降火色黑者不治

一男子足指患之焮痛色赤發熱隔蒜灸之更以人參敗毒散

去桔梗加金銀花白芷大黃二劑痛止又十宣散去桔梗官桂

加天花粉金銀花數劑而痊

幸天醫安

外科發揮卷之四

月百六

一男子足指患之色紫不痛隔蒜灸五十餘壯尚不知痛又明
灸百壯始痛更投仙方活命飲四劑乃以托裏藥潰脫而愈
一男子足指患之大痛色赤而腫令隔蒜灸至痛止以人參敗
毒散去桔梗加金銀花白芷大黃而潰更以仙方活命飲而痊
此證形勢雖小其惡甚大須隔蒜灸之不痛者宜明灸之庶得
少殺其毒此證因膏粱厚味酒麪炙煇積毒所致或不慎房勞
腎水枯竭或服丹石補藥致有先渴而後患者有先患而後渴
者皆腎水涸不能制火故也初發而色黑者不治赤者水未涸
尚可若失解其毒以致肉死色黑者急斬去之緩則黑延上是
必死此患不問腫潰惟隔蒜灸有效外有色赤作痛而自潰者
元氣未脫易治夫至陰之下血氣難到毒易腐肉藥力又不易
達况所用皆攻痛之藥未免先干腸胃又不能攻破其毒不若

隔蒜灸并割去最為良法故孫真人云在指則截在內則割
此意也

一男子脚背患此赤腫作痛令隔蒜灸三十餘壯痛止以仙方
活命飲四劑而潰更以托裏消毒藥而愈
一男子足指患之色赤焮痛作渴隔蒜灸數壯服仙方活命飲
三劑而潰更服托裏藥及加減八味丸潰脫而愈
一男子足指患之色黑不痛令明灸三十餘壯而痛喜飲食如
常予謂急割去之速服補劑彼不信果延上遂致不救○一男
子脚背患之色黯而不腫痛煩躁大渴尺脉大而瀦此精已絕
不治後果然

附方

人參敗毒散

方見潰瘍發熱門

華氏醫案

小兒發熱之二日

二

日

隔蒜灸法

仙方活命飲 二方見發背門

加減八味丸 方見作渴門

十宣散 方見腫瘍門

肺癰肺痿

喘嗽氣急胸滿者表散之

咳嗽發熱者和解之

咳而胸膈隱痛唾痰腥臭者宜排膿

喘急恍惚痰盛者宜平肺

唾膿脉短者宜補之

一男子喘咳脉緊數以小龍龍湯一劑表證已解更以葶藶大

棗湯喘止乃以桔梗湯而愈

一男子咳嗽氣急胸膈脹滿睡臥不安以葶藶散二服少愈更

以桔梗湯而瘥

一男子咳嗽項強氣促脉浮而緊以參蘇飲二劑少愈更以桔

梗湯四劑而痊

一男子咳嗽兩脇脹滿咽乾口燥咳唾腥臭以桔梗湯四劑而

唾膿以排膿散數服而止乃以補陰托裏之劑而瘳

一男子咳而膿不止脉不退諸藥不應甚危用拓黃丸一服少

愈乃服頓退數服而痊

一婦人唾膿五心煩熱口乾胸悶以四順散三劑少止以排膿

散數服而安

一男子因勞咳嗽不止項強而痛脉微緊而數此肺癰也尚未

成膿予欲用托裏益氣藥彼不信仍服發散藥以致血氣愈虛

三 月百三十

吐膿不止竟至不救經云肺內主氣外司皮毛若肺氣虛則腠理不密皮毛不澤肺受傷則皮毛霜縱故患肺癰肺痿腸癰者必致皮毛如此以其氣不能榮養而然也亦有服表藥見邪不解仍又發表殊不知邪不解者非邪不能解多因腠理不密而邪復入也專用發表則腠理愈虛邪愈易入反為敗症矣宜診其脈邪在表者止當和解而實腠理乘虛復入者亦當和解兼實腠理故用托裏益氣之藥若小使赤澀為肺熱所傳短少為肺氣虛蓋肺為母腎為子母虛不能生子故也亦有小便頻數者亦為肺虛不能約制耳

一男子面白神勞咳而胸膈隱痛其脈浮數予以為肺癰欲用桔梗湯不信仍服表藥致咳嗽愈甚唾痰腥臭始悟乃服前湯四劑咳嗽少定又以四順散四劑而脈靜更以托裏藥數劑而愈六抵勞傷血氣則腠理不密風邪乘肺風熱相搏蘊結不散必致喘嗽若誤汗下過度則津液重亡遂成斯證若寸脈數而虛者為肺痿數而實者為肺疽脈微緊而數者未有膿也緊甚而數者已有膿也唾膿自止脈短而面白者易治膿不止脈洪大而面色赤者不治使其治早可救膿成則無及矣金匱方論熱在上焦者因咳為肺痿得之或從汗出或從嘔吐或從消渴小便利數或從便難又彼下藥快利重亡津液故寸口脈數其人燥欬胸中隱隱時痛脈反滑數此為肺癰咳唾膿血脈數虛者為肺痿數實者為肺癰

一童子氣稟不足患肺癰唾膿腥臭皮毛枯槁脈浮按之澹更無力用鍾乳粉湯治之○一男子患之形證皆同惟咽喉時或作痒痰多臍痛難於睡臥用紫菀茸湯治之並愈

一弱人咳膿日晡發熱夜間盜汗脉浮數而緊用人參五味子湯數劑頓退以紫菀茸湯月餘而痊

一男子腎氣素弱咳唾痰涎小便赤色服腎氣丸而愈

一僕年踰三十嗽久不愈氣壅不利睡臥不寧咯吐膿血甚虛可畏其主已棄矣予以寧肺散一服少愈又服而止大半乃以寧肺湯數劑而痊所謂有是病必用是藥若泥前散性澀而不用何以得愈

一男子患肺痿咳嗽喘急吐痰腥臭胸滿咽乾脉洪數用人參平肺散六劑及飲童子小便諸證悉退更以紫菀茸湯而愈童便雖云專治虛火常治瘡瘍腫焮疼痛發熱作渴及肺痿肺癰發熱口渴者尤効

一婦人患肺痿咳嗽吐痰腥臭日晡發熱脉數無力用地骨皮

散治之熱止更用人參養肺湯月餘而安

一男子咳嗽喘急發熱煩燥面赤咽痛脉洪大用黃連解毒湯

二劑少退更以梔子湯四劑而安○一癰婦欬而無痰咽痛日晡發熱脉浮數先以甘桔湯少愈後以地骨皮散而熱退更以腎氣丸及八珍湯加柴胡地骨皮牡丹皮而愈丹溪云欬而無痰者此係火鬱之證及痰鬱火邪在中用苦梗開之下用補陰降火之劑不已則成勞嗽此證不得志者多有之又原病式曰人瘦者腠理疎通而多汗血液衰少而為燥故為勞嗽之疾也一男子年前病肺癰後又患咳嗽頭眩唾沫飲食少思小便頻數服解散化痰藥不應診之脾肺二脉虛甚予謂眩暈唾涎屬脾氣不能上升小便無度乃肺氣不得下制尚未成癰耳投以加味理中湯四劑諸證已退大半更用鍾乳粉湯而安河間曰

金匱云肺痿屬熱如咳又肺癰聲啞聲嘶咯血此屬陰虛熱甚然也本論治肺痿吐涎沫而不效者其人不渴必遺尿小便數以上虛不能制下故也此為肺中冷必眩多涎唾用炙甘草乾薑此屬寒也肺痿涎唾多心中溫液溫液者用炙甘草湯此補虛勞也亦與補陰虛火熱不同是皆宜分治故肺痿又有寒熱之異也

附方

青龍湯 治肺經受寒咳嗽喘急

半夏 湯泡七次 乾薑 炮

細辛

麻黃 去節

肉桂

芍藥

甘草 炙各三兩

五味子 二兩 搗炒

每服五錢水一鍾薑二片煎七分食後服

葶藶大棗瀉肺湯 治肺癰胸膈脹滿上氣喘急或身面浮腫

鼻塞聲重

葶藶炒令黃色研末每服三錢用水二鍾棗十枚煎一鍾去棗入藥煎七分食後服

升麻湯 治肺癰胸乳間皆痛口吐膿腥臭

川升麻

苦梗 炒

薏苡仁

地榆

黃芩 炒

赤芍藥 炒

牡丹皮 去心

生甘草 各一錢

作一劑水二鍾煎八分食遠服

參蘇飲 治感冒風邪咳嗽涕唾稠粘或發熱頭痛或頭目不

清胸膈不利

木香

蘇葉

葛根 薑製

前胡

半夏 湯泡七次

人參

茯苓 各七分

枳殼 麩炒

桔梗 炒

甘草 炙

陳皮 去白各五分

作一劑水二鍾薑一片煎八分食遠服加葱一莖

桔梗湯 治欬而胸膈隱痛兩胛腫滿咽乾口燥煩悶多渴時出濁唾腥臭

桔梗炒

貝母去心

當歸酒浸

瓜蒌仁

枳殼麩炒

薏苡仁微炒

桑白皮炒

甘草節

防已去皮各一錢

黃芪鹽水拌炒

百合蒸各錢半

五味子搗炒

甜葶藶炒

地骨皮

知母炒

杏仁各五分

作一劑水一鍾半生薑三片煎七分不拘時溫服咳加百藥煎熱加黃芩大便不利加煨大黃少許小便澀甚加木通車前子煩燥加白茅根咳而痛甚加人參白芷

排膿散 治肺癰吐膿後宜服此排膿補肺

嫩黃芪搗水拌炒

白芷

五味子研炒

人參各等分

為細末每服三錢食後蜜湯調下

四順散 治肺癰吐膿五心原熱壅悶咳嗽

貝母去心

紫苑去苗

桔梗炒各錢半

甘草七分

作一劑水二鍾煎八分食遠服如咳嗽加杏仁亦可為末白湯調服

如聖栝黃丸 治肺癰欬而腥臭或唾膿痰不問膿成否並効肺家雖有方惟此方功效甚捷不可忽之

栝黃一兩為末

百齒霜即栝垢三錢

用糊為丸如梧子大每服三五丸米飲下栝黃乃栝樹所生者其色黃狀靈芝江南最多北方鮮有

葶藶散 治過食煎煨或飲酒過度致肺壅喘不臥及肺癰濁唾腥臭

甜葶藶

桔梗炒

瓜蒌仁

川升麻

薏似仁 桑白皮炙 葛根各一錢 甘草炙五分

作一劑水一鍾半生薑三片煎八分食後服

鍾乳粉散 治肺氣虛久嗽皮毛枯槁唾血腥臭或喘之不已

鍾乳粉煨煉 桑白皮蜜炙 紫蘇 麥門冬去心各五分

作一劑水一鍾薑三片棗一枚煎六分食後服

紫苑茸湯 治飲食過度或煎煇傷肺咳嗽咽乾吐痰唾血喘

急脇痛不得安臥

紫苑茸去苗 犀角鎊末 甘草炙 人參各五分

桑葉用經霜者 欵冬花 百合蒸焙 杏仁去皮

阿膠蛤粉炒 貝母去心 半夏泡製 蒲黃炒各一錢

作一劑水一鍾半生薑三片煎八分入犀角末食後服

人參五味子湯 治氣血勞傷欵膿或咯血寒熱往來夜出盜

汗瀉瘦困之一切虛損之證並治

人參 五味子搗炒 前胡 桔梗炒

白木炒 白茯苓去皮 陳皮去白 熟地黃生者酒炒

甘草 當歸酒拌炒 地骨皮 黃芪炙

桑白皮炒 枳殼去穰 柴胡各七分

作一劑水一鍾半生薑三片煎八分食後服

寧肺散 一名寧神散 治久嗽漸咯膿血胸膈不利咳嗽痰盛坐

臥不安語言不出

烏梅八錢 罌粟殼二斤去

為末每服二錢煎烏梅湯調下不拘時

寧肺湯 治榮衛俱虛發熱自汗或喘急咳嗽唾膿

人參 當歸 白木炒 川芎

熟地黃製如前 白芍藥 五味子搗炒 麥門冬去心

桑白皮炒 白茯苓 阿膠蛤粉炒 甘草炙各一錢

作一劑水二鍾薑三片煎八分食後服
知母茯苓湯 治肺痿喘嗽不已往來寒熱自汗

茯苓 黃芩炒各二錢 甘草炙 知母炒

五味子搗炒 人參 桔梗 薄荷 白朮 麥門冬去心

半夏薑製 柴胡 白朮 阿膠蛤粉炒各二錢
欸冬花各三錢 川芎 作一劑水二鍾薑三片煎一鍾食後服

人參平肺散 治心火尅肺傳為肺痿咳嗽喘嘔痰涎壅盛胸膈痞滿咽嗑不利
人參 陳皮去白 甘草炙 地骨皮各五分

茯苓 知母炒各七分 五味子搗炒 青皮

桑白皮炒一錢 天門冬去心各四分 作一劑水二鍾薑三片煎八分食後服

人參養肺湯 治肺痿咳嗽有痰午後熱并聲嘶者
人參 五味子搗炒 貝母去心 柴胡各四分

桔梗炒 茯苓各一錢五分 甘草五分 桑白皮二錢

枳實剉炒五分 杏仁炒 阿膠蛤粉炒各一錢
作一劑水一鍾半薑三片棗一枚煎八分食後服

梔子仁湯 治肺痿發熱潮熱或發狂煩躁面赤咽痛
梔子仁 赤芍藥 大青葉 知母炒各七分

黃芩炒 石膏服 杏仁去皮尖炒 升麻各一錢半

柴胡二錢 甘草一錢 豆豉百粒

作一劑水二鍾煎八分食遠服

黃連解毒湯 方見瘡瘍作嘔門

甘桔湯 治肺氣壅熱胸膈不利咽喉腫痛痰涎壅盛

甘草 苦梗各五

作一劑水一鍾半煎八分食遠服

地骨皮散 治骨蒸潮熱自汗咳吐腥穢稠痰

人參 地骨皮 柴胡 黃芪

生地黄 錢各半 白茯苓 知母 炒 石膏 服各一錢

作一劑水二鍾煎八分食遠服

腎氣丸 治腎氣素虛不交于心津液不降敗濁為痰致欬逆

乾山藥 兩 山茱萸 去核四兩酒拌 澤瀉 蒸 牡丹皮 白者佳

白茯苓 三兩 熟地黄 用生者八兩酒拌銅器蒸

餘為末地黃茱萸杵膏加蜜丸如梧子大每服五六十丸空

心液湯送下塩湯温酒皆可

八珍湯 方見中瀉發熱門

加味理中湯 治肺胃俱寒發熱不已

甘草 炙 半夏 薑製 茯苓 乾薑 炮

白朮 炒 橘紅 細辛 五味子 搗炒

人參 各五分

作一劑水一鍾煎六分食遠服

腸癰

小腹硬痛脉遲緊者瘀血也宜下之

小腹焮痛脉洪數者膿成也宜托之

一男子小腹痛而堅硬小便數汗時出脉遲緊以大黃湯一劑

薛氏醫案 外科發源卷之四

下瘀血合許以意以仁湯四劑而安

一產婦小腹疼痛小便不利以薏苡仁湯二劑痛止更以四物湯加桃仁紅花下瘀血升許而愈大抵此證皆因榮衛不調或瘀血停滯所致若脈洪數已有膿脈但數微有膿脈遲緊乃瘀血下之即愈若患甚者腹脹大轉側作水聲或膿從臍出或從大便出宜以九太乙膏及托裏藥

一婦人小腹腫痛小便如淋尺脈乳而遲以神効瓜萸散二劑少愈更以薏苡仁湯二劑而痊

一男子膿已成用雲母膏一服下膿升許更以排膿托裏藥而愈後因不守禁忌以致多致

一男子裏急後重時或下膿脹痛脈滑數以排膿散及蠟礬丸而愈

一婦人小腹作痛有塊脈乳而澀以四物湯加玄胡索紅花桃仁牛膝木香治之而愈

一婦人小腹隱痛大便秘澀腹脹轉側作水聲脈洪數以薏苡仁湯一劑諸證悉退以薏苡仁湯二劑而痊

一婦人腹脹疔痛不食縱小便不利脈滑數以太乙膏一服膿下升許脹痛頓退以神効瓜萸散二劑而全退更以蠟礬丸及托裏藥十餘劑而安

一婦人因經水多服澀藥止之致腹作痛以失笑散二服而瘳

一婦人產後惡露不盡小腹患痛服瓜子仁湯下瘀血而痊凡

瘀血停宜急治之緩則腐化為膿最難治療若流注骨節則患骨失治多為敗證

附方

外科發源卷之四 十一 明道

閉纏喉風並用新綿裹置口中含化下一切風赤眼捏作小餅貼太陽穴以山梔子湯下打撲傷損外貼內服橘皮湯下腰膝痛者患處貼之鹽湯下唾血者桑白皮湯下以蛤粉為衣其膏可收十餘年不壞愈久愈烈又治癩癧並用鹽湯洗貼酒下一丸婦人經脉不通甘草湯下一切疥癩煉油少許和膏塗之虎犬并蛇蝎湯火刀斧傷皆可內服外貼

玄參 白芷 當歸 肉桂

大黃 赤芍藥 生地黄 各一兩

為咀用麻油二斤入銅鍋內煎至黑濾去粗入黃丹十二兩再煎滴水中捻軟硬得中即成膏矣予嘗用但治瘡毒內癰有奇效忽一婦月經不行腹結塊作痛貼之經行痛止遂隨前云治證用之無不有效愈知此方之妙用也

蠟礬丸 方見發背門

失笑散 治產後心腹絞痛欲死或血迷心竅不知人事及尋常腹內瘀血或積血作痛又婦人氣血痛之聖藥也及治疝氣疼痛

五靈脂 蒲黃 俱炒 等分

每服二三錢醋一合熬成膏入水一盞煎七分食前熱服

四物湯 方見療癰門

排膿散 治腸癰少腹脹痛脉滑數或裏急後重或時時下膿

黃芪 炒 當歸 酒拌 金銀花 白芷

川山甲 蛤粉 炒 防風 連翹 瓜萸 各二錢

作一劑用水二鍾煎八分食前服或為末每服二錢食後蜜湯調下亦可

薛氏醫按

外科發揮卷之四

瓜子仁湯

治產後惡露不盡或經後瘀血作痛或腸胃停滯

瘀血作痛或作癰患並効

薏苡仁

錢四

桃仁

去皮尖研

牡丹皮

瓜蒌仁

各一錢

作一劑水二鍾煎八分食前服

外科發揮卷之四

外科發揮卷之五

薛氏醫按

吳郡薛 已著

新都吳玄有校

癰癧

癰腫脈沉數者邪氣實也宜泄之

腫痛增寒發熱或拘急者邪在表也宜發散

因怒結核或腫痛或發熱者宜疏肝行氣

腫痛脈浮數者祛風清熱 脈瀉者補血為主

脈弱者補氣為主 腫硬不潰者補氣血為主

抑鬱所致者解鬱結調氣血

潰後不斂者屬氣血虛宜大補 虛勞所致者補之

因有核而不斂者屬腐肉之 脈實而不斂或不消者下之

薛氏醫按

外科發揮卷之五

明倫彙編

一男子患此腫痛發寒熱大便秘以麝干連翹散六劑熱退大半以仙方活命飲四劑而消

一婦人耳下腫痛發寒熱與荆防敗毒散四劑表證悉退以散腫潰堅湯數劑腫消大半再以神効瓜蔓散四劑而平

一男子肝經風熱耳下腫痛發熱脉浮數以薄荷丹治之而消

一男子每怒耳下腫或脇作痛以小柴胡湯加青皮木香紅花桃仁四劑而愈

一男子腫硬不作膿脉弦而數以小柴胡湯兼神効瓜蔓散各數劑及隔蒜灸數次月餘而消

一婦人頸腫不消與神効瓜蔓散六劑少退更以小柴胡湯加青皮枳殼貝母數劑消大半再以四物對小柴胡數劑而平

一男子因暴怒耳下腫痛結核痞悶兼發熱用方脉流氣三劑

胸膈利以荆防敗毒散二劑而熱退肝脉尚弦濇以小柴加芎歸芍藥四劑脉證頓退以散腫潰堅丸一料將平惟一核不消乃服遇仙無比丸二兩而瘳

一婦人久鬱患而不潰既潰不斂發熱口乾月水短少飲食無味日晡尤倦以益氣養榮湯二十餘劑少健余謂須服百劑庶保無虞彼欲求速效反服斑貓之劑及數劑追蝕毒藥去而復結以致不能收斂出水不止遂致不救然此證屬虛勞氣鬱所致宜補形氣調經脉未成者自消已成自潰若投慄悍之劑則氣血愈虛多變為瘵證然堅而不潰潰而不合氣血不足明矣况二經之血原自不足不可不察

一男子久而不斂神思困倦脉虛予欲投以托裏彼以為迂乃服散腫潰堅湯半月餘果發熱飲食愈少復求治投益氣養榮

湯三月喜其謹守得以收斂齊氏云結核瘰癧初覺宜內消之
如經久不除氣血漸衰肌寒肉冷或膿汁清稀毒氣不出瘡口
不合聚腫不赤結核無膿外證不明者並宜托裏膿未成者使
膿早成膿已潰者使新肉早生血氣虛者托裏補之陰陽不和
托裏調之大抵托裏之法使瘡無變壞之證所以宜用也

一男子久不斂膿出更清面黃羸瘦每侵晨作瀉與二神丸數
服瀉止更以大君子湯加芎歸月餘肌體漸復灸以豆豉餅及
用補劑作膏藥貼之三月餘而愈

一婦人潰後核不腐以益氣養榮湯三十餘劑更敷針頭散腐
之再與前湯三十餘劑而斂

一男子未潰倦怠發熱以補中益氣湯治之少愈以益氣養榮
湯月餘而潰又月而瘳

一婦人肝經積熱患而作痛脉沉數以麝干連翹湯四劑少愈
更用散腫潰堅丸月餘而消丹溪云瘰癧必起於足少陽一經
不守禁忌延及足陽明經食味之厚鬱氣之久曰毒曰風曰熱
皆此二端拓引變換須分虛實實者易治虛者可慮此經主決
斷有相火且氣多血少婦人見此若月水不調寒熱變生稍久
轉爲潮熱自非斷慾食滯神醫不能療也

一男子患面腫硬久不消亦不作膿服散堅敗毒藥不應令灸
肘尖肩尖二穴更服益氣養榮湯月餘而消。一男子面硬亦
灸前穴飲前湯膿成針之而斂。一婦人久潰發熱月經每過
期且少用逍遙散兼前湯兩月餘氣血復而瘡亦愈但一口不
收敷針頭散更灸前穴而瘳常治二三年不愈者連灸三次兼
用托裏藥即愈一婦人因怒結核腫痛奈其氣血俱實先以神

效散下之更以益氣養榮湯三十餘劑而消常治此證虛者先用益氣養榮湯待其氣血稍充乃用神效散取去其毒仍進前藥無不效者

一癰婦咽間如一核所鯁咽吐不出倦怠發熱先以四七湯治之而咽利更以逍遙散。一婦所患同前兼胸膈不利肚腹膨脹飲食少思睡臥不安用分心氣飲並愈

一室女年十七項下時或作痛乍寒乍熱如瘧狀肝脈弦長此血盛之證也先以小柴胡湯二劑少愈更以生地黄丸治之而痊婦人良方云寡婦之病自古未有言者惟倉公傳與褚澄略而論及言寡者孟子正謂無夫曰寡是也如師尼喪夫之婦獨陰無陽欲男子而不可得是以鬱悒而成病也易曰天地絪縕萬物化醇男女構精萬物化生孤陽獨陰可乎夫既處閨門慾

心萌而不遂致陰陽交爭乍寒乍熱有類瘧疾久而為癆又有經閉白淫痰逆頭風膈氣痞悶面黧瘦瘡等證皆寡婦之病診其脈獨肝脈弦出寸口而上魚際究其脈原其疾皆血盛而得經云男子精盛則思室女人血盛則懷胎觀其精血思過半矣一男子耳下患五枚如貫珠年許尚硬面色痿黃飲食不甘勞而發熱脈數軟而澀以益氣養榮湯六十餘劑元氣已復患處已消一核尚存以必效散二服而平

一婦人久不作膿脈浮而澀予以氣血俱虛欲補之使自潰彼欲內消專服斑蝥及散堅之藥氣血愈虛而死

一男子因勞而患怠惰發熱脈洪大按之無力予謂須服補中益氣藥彼不信輒服攻伐之劑吐瀉不止亦死大抵此證原屬虛損若不審虛實而犯病禁經禁鮮有不悞常治先以調經解

鬱更以隔蒜灸之多自消如不消卽以琥珀膏貼之俟有膿卽
針之否則變生他處設若兼痰兼陰虛等證只宜加兼證之劑
不可干擾餘經若氣血已復而核不消却服散堅之劑至月許
不應氣血亦不覺損方進必效散或遇仙無比丸其毒一下卽
止二藥更服益氣養榮湯數劑以調理若瘡口不斂宜用豆豉
餅灸之用琥珀膏貼之氣血俱虛或不慎飲食起居七情者俱
不治然而此證以氣血爲主氣血壯實不用追蝕之劑彼亦能
自腐但取去使易於收斂若氣血虛不先用補劑而數用追蝕
之藥不惟徒治適足以敗矣若發寒熱眼內有赤脉貫瞳人者
亦不治一脈者一年死二脈者二年死
一男子素弱潰後核不腐此氣血皆虛用托裏養榮湯氣血將
復核尚在以簪挺撥去又服前藥月餘而痊

一男子氣血已復核尚不腐用針頭散及必效散各三次不
一男子患之痰盛胸膈痞悶脾胃脉弦此脾土虛肝木乘之也
當以實脾土伐肝木爲主彼以治痰爲先乃服苦寒化痰藥不
應又加以破氣藥病愈甚始用六君子湯加芎歸數劑飲食少
思以補中益氣湯倍加白朮月餘中氣少健又以益氣養榮湯
兩月腫消而血氣亦復矣夫右關脉弦屬木乃木盛而尅脾
土爲賊邪也虛而用苦寒之劑是虛虛也况痰之爲病其因不
一主治之法不同凡治痰用利藥過多則脾氣愈虛虛則痰愈
易如中氣不足必用參朮之類爲主佐以痰藥
一婦人因怒頂腫後月經不通四肢浮腫小便如淋此血分證
也先以椒仁丸數服經行腫消更以六君子湯加柴胡枳殼數
劑頸腫亦消矣亦有先因小便不利後身發腫致經水不通名

百氏醫按 外科雜症卷之五 五 月百五
曰水分宜葶藶丸治之婦人良方云婦人腫滿若先因經水斷
絕後至四肢浮腫小便不通名曰血分水化為血血不通則復
化為水矣宜服椒仁丸若先因小便不利後身浮腫致經水不
通名曰水分宜服葶藶丸

一室女年十九頸腫一塊硬而色不變肌肉日削筋攣急痛此
七情所傷氣血所損之證也當先滋養血氣不信乃服風藥後
果不起盧砥鏡曰經云神傷於思慮則肉脫意傷於憂愁則肢
廢魂傷於悲哀則筋攣魄傷於喜樂則皮稿志傷於盛怒則腰
脊難以俛仰也何侍郎有女適人夫早逝女患十指攣拳掌垂
莫舉膚體瘡瘍粟然湯劑雜進飲食頓減幾於半載適與診
之則非風也正乃憂愁悲哀所致病屬內因於是內因藥仍
以鹿角膠葶藶丸多用麝香熬膏貼瘻處藥能舉指能伸病漸安

一癰婦四肢倦怠類痿證以養血氣健脾胃藥而愈

一室女性急好怒耳下常腫痛發寒熱肝脉弦急投以小柴胡
湯加青皮牛蒡子荆芥防風治之而寒熱退更以小柴胡湯對
四物數劑而腫消其父欲除去病根勿令再發予謂肝內主藏
血外主榮筋若悲怒氣逆則傷肝肝主筋故筋蓄結而腫須病
者自能調攝庶可免患否則肝迭受傷則不能藏血血虛則為
難瘥之證矣後不戒果結三核屢用追餽藥不斂而歿

一少婦耳下患腫素勤苦發熱口乾月水每過期而至且少一
老媪以為經閉用水蛭之類通之以致愈虛而斃夫月水之為
物乃手太陽手少陰二經主之此二經相為表裏主上為乳汁
下為月水為經絡之餘氣苟外無六淫所侵內無七情所傷脾
胃之氣壯則衝任之氣盛故為月水適時而至然而面色痿黃

四肢消瘦發熱口乾月水過期且少乃陰血不足也非有餘瘀
閉之證宜以滋養血氣之劑徐而培之則經氣盛而經水自依
一放出宮女年踰三十兩勝作痛不腫色不變大小便作痛如
淋登廁尤痛此瘀血漬入隧道為患乃男女失合之證也難治
後潰不斂又患瘰癧而致此婦為吾鄉湯氏妾湯為商常在外
可見此婦在內久懷幽鬱及在外又不能如願是以致生此疾
愈見流注瘰癧乃七情氣血皆已損傷不可用攻伐之劑皎然
矣故精血篇云精未通而御女以通其精則五體有不滿之處
異日有難狀之疾陰已痿而思色以降其精則精不出而內敗
小便道澁而為淋精已耗而復竭之則大小便道牽疼愈疼則
愈欲大小便愈便則愈疼女人天癸既至踰十年無男子合則
不調未踰十年思男子合亦不調不調則舊血不出新血誤行

或漬而入骨或變而為腫或雖合而難于合男子多則瀝枯虛
人產乳眾則血枯殺人觀其精血思過半矣

一室女年十七患瘰癧久不愈月水尚未通發熱咳嗽飲食少
思有老媪欲用巴豆肉桂之類先通其經予謂此證潮熱經候
不調者不治但喜脈不澁且不潮熱尚可治須養氣血益津液
其經自行彼惑於速效之說仍用之予曰非其治也此類乃標
悍之劑大助陽火陰血得之則妄行脾胃得之則愈虛經暴通
而不止飲食愈少更加潮熱遂致不救經云女子七歲腎氣盛
齒更髮長二七天癸至任脈通太衝脈盛月事以時下然過期
而不至是為失常必有所因夫人之生以血氣為本人之病未
有不先傷氣血者婦女得之多患於七情寇宗奭曰夫人之生
以血氣為本人之病未有不先傷其氣血者世有室女童男積

想在心思慮過當多致勞損男子則神色先散女子則月水先閉何以致然蓋憂愁思慮則傷心心傷則血逆竭血逆竭則神色先散而月水先閉也火既受病不能榮養其子故不嗜食脾胃既虛則金氣虧故發嗽嗽既作水氣絕故四肢乾木氣不充故多怒鬢髮焦筋骨痠俟五臟傳遍故卒不能死者然終死矣此一種於勞中最難治蓋病起於五臟之中無有已期藥力不可及也若或自能改易心志用藥扶接如此則可得九死一生舉此爲例其餘諸方可按脈與證而治之○張氏云室女月水久不行切不可用青蒿等涼劑醫家多以爲室女血熱故以涼藥解之殊不知血得熱則行冷則凝養生必用方言之甚詳此說大有理不可不知若經候微小漸漸不通手足骨肉煩疼日漸羸瘦漸生潮熱其脈微數此由陰虛血弱陽往乘之小水不能

或盛火火逼水涸亡津液當養血益陰慎毋以毒藥通之宜栢子仁丸澤蘭丸

一男子先於耳前耳下患之將愈次年延及頂側缺盆三年遂延胸腋不愈診之肝脈弦數以龍薈散堅二丸治之將愈肝脈尚數四年後小腹陰囊內股皆患毒年餘不斂脈胗如前以清肝養血及前丸而愈

一瘧婦潰後發熱煩燥作渴脈大無力此血虛而然也以當歸補血湯六劑頓退又以聖愈湯數劑少健更以八珍湯加貝母遠志三十餘劑而斂東垣云發熱惡熱大渴不止煩燥肌熱不欲近衣其脈洪大按之無力或目痛鼻乾者非白虎湯證也此血虛發躁當以當歸補血湯主之又有火鬱而熱者如不能食而熱自汗氣短者虛也以甘寒之劑瀉熱補氣如能食而熱口

舌乾燥大便難者以辛苦大寒之劑下之以瀉火補水

附方

射干連翹散 治寒熱瘰癧

射干 連翹 玄參 赤芍藥 木香 升麻

前胡 山梔仁 當歸 甘草灸各七分 大黃炒二錢

作一劑水二鍾煎八分食後服

荆防敗毒散 方見潰瘍發熱門 仙方活命飲 方見發背門

小柴胡湯 治瘰癧乳癰便毒下疳及肝膽經分一切瘡瘍發

熱潮熱或飲食少思

半夏薑製一錢 柴胡二錢 黃芩炒二錢 人參一錢 甘草灸五分

作一劑水二鍾姜三片煎八分食遠服

薄荷丹 治風熱瘰癧久服其毒自小便宜出若未作膿者

薄荷 皂角去內核 連翹 三稜煨

何首烏米泔水浸 蔓荊子各淨一兩 豆豉末二兩 荆芥穗一兩

右末醋糊為丸如梧子大每服三十九食後滾湯下日二服

病雖愈須常服之

益氣養榮湯 治抑鬱或勞傷氣血或四肢頸項患腫或軟或

硬或赤不赤或痛不痛或日晡發熱或潰而不斂

人參 茯苓 陳皮 貝母 香附 當歸酒拌 川芎

黃芪鹽水炒熟 地黃酒拌 芍藥炒各一錢 甘草灸 桔梗炒 白朮炒二錢

作一劑水二鍾姜三片煎八分食遠服

如胸膈痞加枳殼香附各一錢 人參熟地黃各減二分

飲食不甘暫加厚朴蒼朮 往來寒熱加柴胡地骨皮

膿潰作渴加參耆歸朮 膿多或清加當歸川芎

脇下痛或痞加青皮木香 肌肉生遲加白飲官桂

痰多加橘紅半夏 口乾加五味子麥門冬

發熱加柴胡黃芩 渴不止加知母赤小豆俱酒拌炒

膿不止倍加人參黃芪當歸

豆豉餅方見臂癱門

隔蒜灸法方見發背門

針頭散 治一切頑瘡瘀肉不盡及癰核不化瘡口不合宜用

此藥腐之

赤石脂錢五 乳香 白丁香各二錢 砒生 黃丹各一錢

輕粉 麝香各五分 蜈蚣一條炙乾

右為末塔瘀肉上其肉自化若瘡口小或痔瘡用糊和作條子陰乾經之凡瘡久不合者內有膿管須用此藥腐之兼服

托裏之劑

如神散 治瘰癧已潰瘀肉不去瘡口不合

松香末一兩 白礬三錢

為末香油調搽乾搽亦可

神效瓜蒌散方見乳癰門 六君子湯方見作嘔門

散腫潰堅湯 治馬刀瘡堅硬如石或在耳下或至缺盆或在

肩上或至脇下皆手足少陽經證及瘰癧發於頰或至頰車

堅而不潰乃足陽明經甲證或已破流膿水

柴胡四分 升麻二分 龍膽草酒炒五分 連翹三分 黃芩酒炒八分

甘草炙三分 桔梗五分 當歸尾酒拌五分 昆布五分 白芍藥炒各

黃柏酒炒五分 知母酒炒五分 葛根 黃連三稜酒拌微炒

廣木各三分 瓜蒌根五分

作一劑水二鍾煎八分食後服

散腫潰堅丸 卽散腫潰堅湯料爲末煉蜜丸如梧桐子大每

服七八十九食後滾湯送下

四物湯 治血虛或發熱及一切血虛之證

當歸 酒拌 川芎 各一錢 芍藥 炒 生地黃 一錢

作一劑水二鍾煎八分食遠服

當歸龍薈丸 治癰癧腫痛或脇下作痛似有積塊及下疳便

癰小便澁大便秘或瘀血凝滯小腹作痛

當歸 酒拌 龍膽草 酒拌 梔子仁 炒 黃連 青皮 黃芩 各一

大黃 酒拌 蘆薈 青黛 柴胡 各五錢 木香 二錢 麝香 五分 另研

爲末炒神麩糊丸每服二三十九薑湯下

分心氣飲 治七情鬱結胸膈不利或脇肋虛脹噎寒不通或

噫氣吞酸嘔噦惡心或頭目昏眩四肢倦怠面色痿黃口苦

舌乾飲食減少日漸羸瘦或大腸虛秘或病後虛痞

木通 赤芍藥 赤茯苓 官桂 半夏 桑白皮 炒

大腹皮 陳皮 去白 青皮 去白 甘草 炙 羌活 各五分 紫蘇 二錢

作一劑水二鍾姜三片棗二枚燈心十莖煎八分食遠服

四七湯 方見流注門

生地黄丸 許白雲學士云有一師尼思惡風體倦乍寒乍熱

面赤心煩或時自汗是時疫氣大行醫見寒熱作傷寒治之

大小柴胡湯雜進數日病劇予診視之曰三部無寒邪脉但

厥陰肝脉弦長而上魚際宜用抑陰之藥遂用此方治之愈

生地黄 一兩 酒拌 秦芩 黃芩 硬柴胡 各五錢 赤芍藥 一兩

爲細末入地黃膏加煉蜜少許九梧子大每服三十九烏梅

煎湯下日服

方脈流氣飲 方見流注門

遇仙無比丸 治癰癤未成膿其人氣體如常宜服此丸形氣

覺衰者宜先服益氣養榮湯待血氣少充方服此丸核消後

仍服前湯如潰後有瘀肉者宜用針頭散更不飲亦宜服此

丸飲後再服前湯

白木炒 檳榔 防風 黑牽牛半生炒 蜜陀僧

郁李仁湯泡去皮 斑貓去翅足用糯米同炒去米不用 甘草各五錢

為細末水糊丸梧子大每服二十九早晚煎甘草檳榔湯下

服至月許覺腹中微痛自小便中取下癰毒如魚目狀已破

者自合未膿者自消

必效散 治癰癤未成膿自消已潰者自斂如核未去更以針

頭散腐之若氣血虛者先服益氣養榮湯數劑然後服此散

服而癰毒已下再服前散數劑 益氣養榮湯方見後前

南鵬砂二錢五分 輕粉一錢 斑貓四十箇糯米同炒去頭翅 麝香五分

巴豆五粒去殼心膜 白楸榔一箇

右為細末每服一錢壯實者錢半五更用滾湯調下如小水

澀滯或微痛此癰毒欲下也進益元散一服其毒即下此方

斑貓巴豆似為峻利然用巴豆乃解斑貓之毒用者勿畏子

京師遇一富商項有癰痕一片頗大詢其由彼云因怒而致

困苦二年百法不應忽有方士與藥一服即退二三再服頓

退四服而平旬日而痊以重禮求之乃是必效散脩合濟人

無有不效又有一老嫗亦治此症索重價始肯醫治其方法

乃是中品錠子紙卷內以膏藥貼之其根自腐未盡再用去

盡更搽生肌藥數日即愈人多異之予見其治氣血不虛者
果驗若氣血虛者雖潰去亦不愈丹谿亦云必效散與神效
瓜萸散相兼服之有神效常以二藥兼補劑用之效故錄之
按錠子雖峻利亦是一法蓋結核堅硬非此未見易腐必效
散內有斑貓雖亦峻利然癰毒之深者非此藥莫能易解又
有巴豆解其毒所以癰毒之深者宜用之但氣血虛者用之
恐有悞○又一道人治此證用鷄子七箇每箇入斑貓一枚
飯上蒸熟每日空心食一枚求者甚多考之各書癰瘡門及
本草亦云然氣血虛者恐不能治也

三品錠子

上品 去十八種痔

白明礬二兩 白砒一分 乳香三錢 沒藥三錢 牛黃三錢

中品 去五漏及翻花瘤氣核

白明礬二兩 白砒一分 乳香三錢 沒藥各三錢 牛黃二錢

下品 治癰癰氣核疔瘡發背腦疽諸惡證

白明礬二兩 白砒一分 乳香五錢 沒藥五分 牛黃三分

先將砒末入紫泥確內次用礬末蓋之以炭火煨令煙盡取
出研極細末用糯米糊和為挺子狀如線香陰乾紙瘡內三
四次年深者六五次年深者六五次其根自腐潰如瘡露在
外更用蜜水調搽乾上亦可

益元散

滑石六兩 甘草二兩

右各另為末和蜜每服二錢熱湯冷水任下

遺毒散 治婦人血虛五心煩熱度體疼痛頭目昏重心忪煩

赤口燥咽乾發熱盜汗食少嗜臥及血熱相搏月水不調臍
腹脹痛寒熱如瘧及治室女血弱榮衛不調痰嗽潮熱肌體
羸瘦漸成骨蒸

當歸酒拌芍藥 茯苓 白朮炒 柴胡各一錢 甘草七分

作一劑水二鍾煎八分食遠服

補中益氣湯 方見潰瘍發熱門

治血分椒仁丸

椒仁 甘遂 續隨子去皮 附子 郁李仁

黑牽牛 當歸 五靈脂碎研 吳茱萸 延胡索各五錢

芫花醋浸一錢 石膏 旣青十枚去頭翅足同糯

斑蝥十箇糯米炒黃去米不用 膽礬一錢 人言一錢

為末麵糊為丸如豌豆大每服一九橘皮湯下此方藥雖峻

利所用不多若畏而不服有養病害身之患常治虛弱之人
用之亦未見其有快也○臨川陳良甫集歷代明醫精義著
論為婦人良方究陰陽分血氣條分縷拆用心精密藥豈輕
用者慎勿疑畏

治水分葶蘆丸

葶蘆研另 續隨子去殼各半兩研 乾筍末一兩

為末棗肉丸如梧子大每服七九煎匾竹湯下如大便利者

減續隨子葶蘆各一錢加白朮五錢

又方 治經脈不利即為水水流走四肢悉皆腫滿名曰血分

其候與水相類書作水治之非也宜用此方

人參 當歸 大黃三斗米下 桂心 瞿麥穗

赤芍藥 白茯苓各一錢 葶蘆炒研

葶蘆丸

為末煉蜜丸如梧桐子大空心米飲下十五丸至三十九丸見養生必用方

栝子仁丸 治月經短少漸至不通手足骨肉煩疼日漸羸瘦

漸生潮熱其脉微數此由陰虛血弱陽往乘之少水不能滅盛火火逼水涸亡津液當養血益陰慎毋以毒藥通之宜栝子仁丸澤蘭湯主之

栝子仁 炒研 牛膝 酒拌 卷栝 各半 澤蘭葉 續斷 各二

熟地黄 用生者三兩酒拌蒸 半日忌鐵器杵膏

為末入地黃膏加煉蜜丸梧子大每服三十九空心米飲下

澤蘭湯 治證同前

澤蘭葉 三兩 當歸 酒拌 芍藥 各一兩 甘草 一錢

為粗末每服五錢水二鍾煎至一鍾去滓溫服

托裏養榮湯 治瘰癧流注及一切不足之證不作膿或不潰

或潰後發熱或惡寒肌肉消瘦飲食少思睡臥不寧盜汗不止

人參 黃芪 灸 當歸 酒拌 川芎 芍藥 炒

白朮 炒各一錢 五味子 研 麥門冬 去心 甘草 各五分 熟地黄 用生者酒拌蒸

半日忌鐵器

作一劑水二鍾薑三片棗一枚煎八分食遠服

琥珀膏 治頸項瘰癧及腋下初如梅子腫結硬強漸若連珠

不消不潰或潰而膿水不絕經久不瘥漸成漏證

琥珀 一兩 木通 桂心 當歸 白芷 防風

松脂 硃砂 研 木鱉子 肉各五錢 蘇油 斤 丁香 木香 各三錢

先用琥珀丁香桂心硃砂木香為細末其餘為咀以油二斤

四兩浸七日入鍋中慢火煎白芷焦黃漉出徐下黃丹一斤

以柳條不住手攪煎至黑色滴水中捻硬軟得中却入琥珀等末攪令勻於磁器盛之用時取少許攤紙上貼之

流注

暴怒所致胞膈不利者調氣為主

抑鬱所致而不痛者宜調經脈補氣血

腫硬作痛者行氣和血 潰而不斂者益氣血為主

傷寒餘邪未盡者和而解之

脾氣虛濕熱凝滯肉理而然健脾除濕為主

閃肺瘀血凝滯為患者和血氣調經絡

寒邪所襲筋攣骨痛或遍身痛宜溫經絡養血氣

一婦人暴怒腰腫一塊胸膈不利時或氣走作痛與方脈流氣

飲數劑而止更以小柴胡湯對四物加香附貝母月餘而愈

一男子因怒脇下作痛以小柴胡湯對四物加青皮桔梗枳殼治之而愈

一男子臀腫一塊微痛脈弦緊以瘡科流氣飲四劑而消

一婦人因怒脇下腫痛胸膈不利脈沉遲以方脈流氣飲數劑

少愈以小柴胡湯對二陳加青皮桔梗貝母數劑頓退更以小

柴胡湯對四物二十餘劑而痊

一男子腿患潰而不斂用人參養榮湯及附子餅更以補劑煎

膏藥貼之兩月餘而愈

一老人傷寒表邪未盡股內患腫發熱以人參敗毒散二劑熱

止灸以香附餅又小柴胡湯加二陳羌活川芎歸朮枳殼數劑而消

一男子脾氣素弱臂腫一塊不痛肉色不變飲食少思半載不

潰先以六君子湯加芎歸芍藥二十餘劑飲食漸進更以豆豉

餅日灸數壯於前藥內再加黃芪肉桂三十餘劑膿熟針去以十全大補湯及附子餅灸之月餘而斂

一男子腿患腫肉色不變不痛脉浮而滑以補中益氣湯加半夏茯苓枳殼木香飲之以香附餅熨之彼謂氣無補法乃服方脉流氣飲愈虛復求治以六君子湯加芎歸數劑飲食少進再用補劑月餘而消夫氣無補法俗論也以其爲病痞悶壅塞似難於補殊不知正氣虛而不能運行則邪氣滯而爲病經云壯者氣行則愈怯者弱者則著而爲病苟不用補法氣何由而行一婦人因閃胸肩患腫遍身作痛以黑丸子二服而痛止以方脉流氣飲二劑而腫消更以二陳對四物加香附枳殼桔梗愈一婦人腿患筋攣骨痛諸藥不應脉遲緊用大防風湯二劑頓退又二劑而安○又一婦患之亦然先用前湯二劑更服黑丸

子而痊此二患若失治潰成敗證

一男子臂腫筋攣骨痛年餘方潰不斂診其脉更虛以內塞散一料少愈以十全大補湯及附子餅灸之而愈精要云留積經久極陰生陽寒化爲熱以此潰多成癩宜早服內塞散排之一婦人潰後發熱子以爲虛彼不信乃服敗毒藥果發大熱竟至不救夫潰瘍雖有表證發熱宜以托裏藥爲主佐以表散之劑何況癰癰流注乎若氣血充實經絡通暢決無患者此證之因皆由氣血素虧或七情所傷經絡鬱結或轉理不密六淫外侵隧道壅塞若不審其所因辨其虛實鮮不悞人一男子腿腫一塊經年不消且不作膿飲食少思強食則脹或作瀉日漸消瘦診之脉微細此乃命門火衰不能生土以致脾土虛而然也遂以八味丸飲食漸進腫患亦消

一男子背胛患之微腫形勞氣弱以益氣養榮湯間服黑丸子
及木香生地黃作餅覆患處熨之月餘膿成針之仍服前藥而愈
一男子腿患久而不飲飲大補藥及附子餅更用針頭散維之而愈
一男子臂患年餘尚硬飲食少思朝寒暮熱以八珍湯加柴胡
地骨皮牡丹皮月餘寒熱少止繼以益氣養榮湯及附子餅灸
之兩月餘膿成針之更服人參養榮湯半載而痊
一婦人膿潰清稀脈弱惡寒久而不愈服肉塞散灸以附子餅而愈
一婦人腰間患一小塊肉色如常不潰發熱予謂當以益氣養
榮解鬱之藥治之彼家不信別服流氣飲後針破出水年餘而
愈。一婦人久不飲忽發寒熱予決其氣血俱虛彼反服表散
之劑果大熱亦死大抵流注之證多因鬱結或暴怒或脾氣虛
濕氣逆於肉理或轉理不密寒邪客於經絡或閃撲或產後瘀

血流注關節或傷寒餘邪未盡為患皆因真氣不足邪得以乘
之常治鬱者開之怒者平之閃撲及產後瘀血者散之脾虛及
腠理不密者除而補之傷寒餘邪者調而解之大要以因元氣
為主佐以見證之藥如久而瘡口寒者更用豆豉餅或附子餅
灸之有膿管或瘀肉者用針頭散腐之自愈錠子尤効若不補
血氣及不慎飲食起居七情俱不治
一男子元氣素弱將欲患此胸膈不利飲食少思予欲治以健
脾胃解鬱結養血氣彼不從乃服辛香流氣之劑致腹脹又服
三稜蓬朮厚朴之類飲食愈少四肢微腫兼腰腫一塊不潰而
歿蓋此證本虛痞今用剋伐之劑何以不死况辛香燥熱之劑
但能劫滯氣衝快於一時若不佐制過服則益增鬱火煎熬氣
液而為瘕日久不散愈成流注之證

一男子臂患出腐骨三塊尚不斂發熱作渴脉浮大而濇乃氣血俱損須多服生血氣之劑庶可保全彼惑於火尚未盡仍用涼藥內服外敷幾危始求治其形甚瘠其脉愈虛先以六君子湯加芎歸月餘飲食漸進以八珍湯加肉桂三十餘劑瘡色乃赤更以十全大補湯外以附子餅灸之僅年而瘡醫林集要云骨疽乃流注之敗證也如用涼藥則內傷其脾外水其血脾主肌肉脾氣受傷飲食必減肌肉不生血爲脉絡血受水則氣血不旺而愈滯宜用理脾脾健則肉自生而氣自運行矣又有白虎飛廉留連周暮或展轉數歲冷青朽骨出盡自愈若附骨腐者可痊正骨腐則爲終身廢疾矣有毒自足手或頭面腫起或兼疼痛上至頸項骨節去處如瘍癰貫珠此風濕流氣之證也宜以加減小續命湯及獨活寄生湯治之有兩膝腫痛起或至

遍身骨節疼痛者此風濕痺又名癰節風宜用附子八物湯之又有結核在項腋或兩乳傍或兩膊軟肉處名曰瘰癧癰冷證也又有小兒宿痰失道致結核於頸項臂膊胸背之處亦冷證也俱用熱藥敷貼已上諸證皆緣於腎腎主骨腎虛則骨冷而爲患也所謂骨疽皆起於腎亦以其根於此也故用大附子以補腎氣腎實則骨有生氣而疽不附骨矣一婦人經水不調兩月一至或三月一至四肢微腫飲食少思日晡發熱予曰此脾土氣血皆虛也須先用壯脾胃養氣血之劑飲食進則浮腫自消氣血充則經自調矣彼以爲緩乃用峻劑先通月經果腹疼瀉不止致遍身浮腫飲食愈少歿於木旺之月褚氏云月水不通久則血結於內生塊變爲血瘕亦作血瘕血水相併壅塞不通脾胃虛弱變爲水腫所以然者脾候身

之肌肉象於土土主尅於水水血既併脾氣衰弱不能尅消致水氣流溢浸漬肌肉故腫滿也觀此豈宜用尅伐之劑一婦人稟弱性躁脇臂腫痛胸膈痞滿服流氣敗毒藥反發熱少食以四七湯數劑胸寬氣和以小柴胡湯對四物加陳皮香附腫痛亦退大抵婦人情性執着不能寬解多被七情所傷遂致遍身作痛或肢節腫痛及氣填胸滿或如梅核塞喉嚨吐不出或涎痰壅盛上氣喘急或嘔逆惡心甚者渴悶欲絕產婦多有此證宜服四七湯先調滯氣更以養血之藥若因思憂致小便白濁者用此藥吞青州白丸子屢效

附方

方脉流氣飲 治癰癧流注及鬱結聚結腫塊或走注疼痛或心胸痞悶咽塞不利脇腹膨脹嘔吐不食上氣喘急咳嗽痰

盛面目或四肢浮腫大小便秘

紫蘇 青皮去白 當歸酒拌 芍藥炒 烏藥 茯苓 桔梗炒

半夏姜製 川芎 黃芪炙 枳實炒 防風 陳皮去白 甘草炙各一錢

木香 大腹皮 檳榔 枳殼麩炒各五分

作一劑水二鍾薑三片棗一枚煎八分食遠服

瘡科流氣飲 治流注及一切恚怒氣結腫作痛或胸膈痞悶

或風濕毒搏於經絡致氣血不和結成腫塊肉色不變或漫

腫木悶無頭

桔梗炒 人參 當歸酒拌 官桂 甘草 厚朴姜製 黃芪鹽湯浸炒 檳榔

防風 紫蘇 芍藥 烏藥 枳殼各七分

木香 川芎 白芷各五分

作一劑水二鍾煎八分食遠服

益氣養榮湯

方見瘰癧門

二陳湯

黑丸子 治風寒襲於經絡腫痛或不痛或打撲跌墜筋骨疼痛痛瘀血不散遂成腫毒及風濕四肢疼痛或手足緩弱行步不前并婦人血風勞損

百草霜

芍藥各一兩

赤小豆

六錢

白斂

一兩

白芨

當歸

各四錢

川烏

炮二錢

碎骨補

焙八錢

南星

右為末煉蜜為丸梧子大每服三十九鹽湯或酒下風疾哽

吃煨葱一莖溫酒下孕婦勿服

人參敗毒散

方見潰瘍發熱門

豆豉餅

附子餅

二方見腎癰門

小柴胡湯

四物湯

二方見瘰癧門

香附餅

治瘰癧流注腫塊或風寒襲於經絡結腫或痛用香

附為末酒和量瘡大小做餅覆患處以熱熨斗熨之未成者

自消已成者自潰若風寒濕毒宜用薑汁作餅

六君子湯

方見作嘔門

十全大補湯

補中益氣湯

二方見潰瘍發熱門

大防風湯

方見腎癰門

內塞散

治陰虛陽氣腠襲患腫或潰而不斂或風寒襲於患

處致氣血不能運至久不愈遂成漏證

附子

用童便浸三日切作四塊再浸數日炮童便一日一換一兩

肉桂

赤小豆

炙

黃芪

鹽水炒

當歸

酒拌

白芷

桔梗炒

川芎

人參

遠志

厚朴

姜製各一兩

防風

四錢

為末每服二錢空心溫酒下或酒糊為丸鹽湯下亦可或煉

蜜為丸服亦可

八味丸 方見醫癰門

針頭散 方見癩癰門

人參養榮湯 二方見潰瘍發熱門

四七湯 治七情鬱結狀如破絮或如梅核體在咽間或中腕

瘡滿痰涎壅盛或喘或惡心少食

紫蘇葉 一錢 厚朴 半錢 茯苓 一錢 半夏 七分 姜製

作一劑水一鍾半薑三片棗二枚煎六分食遠服

瘡瘍作渴

尺脈大或無力而渴者宜滋陰降火

上部脈沉實而渴者宜瀉火 上部脈洪數而渴者宜降火

胃脈數而渴者宜清胃火 氣虛不能生津液而渴者宜補氣

脈大無力或微弱而渴者宜補氣血

膿血大泄或瘡口出血而渴者大補氣血如不應急用獨參湯

一男子作渴欲發疽以加減八味丸治之而消。一男子患腦

疽發熱脈數無力以前丸治之不信自服滋陰藥以致不救。

一男子日飲水數碗冬月亦然彼恃壯切喜後口舌生瘡欲治

以前丸彼以為謬乃服生津液藥渴不能止發背疽而歿。一

男子脚面發疽愈而作渴以前丸治之而愈夫加減八味丸治

陰虛火動之聖藥也有是證者何以舍此。一富商稟賦頗厚

素作渴日飲水數碗面發一毒用消毒藥潰而雖愈尺脈尚數

渴亦不止時孟秋予謂此水涸火旺之脈也須服加減八味丸

以補腎水制心火庶免疽毒之患彼不信至夏果脚背發疽脈

數按之則澀而無力足竟黑腐而死。一男子稟頗實之嗣服

附子等藥致作渴左足大指患疽色紫不痛脈亦數而澀亦死

附子等藥致作渴左足大指患疽色紫不痛脈亦數而澀亦死

大抵發背腦疽脫疽腫痛色赤水衰火旺之色尚可治若黑若紫火極似水之象也乃腎水已竭精氣固涸決不治外科精要云凡病疽疾之人多有既安之後忽發渴疾而不救者十有八九疽疾將安而渴疾已作宜服加減八味丸既安之後而渴疾未見宜先服之以防其未然若疾形已見卒難救療凡癰疽愈後宜服補藥若用峻補之藥則發熱又况癰疾人安樂之後多傳作渴疾不可治療當預服加減八味丸如能久服永不生渴疾氣血亦壯未發疽人或先有渴證尤宜服此藥渴疾既安疽亦不作○又一貴人病疽疾未安而渴作一日飲水數升愚遂獻此方諸醫大笑云此藥若能止渴我輩當不復業醫矣乃用木瓜紫蘇烏梅人參茯苓百藥煎等生津液之藥止之而渴愈甚數劑之後茫無功效不得已而用此服之三日渴止因此相

信遂久服不特渴疾不作氣血亦壯飲食加倍強健過於少壯之年蓋用此藥非予敢自執鄙見實有源流自爲兒時聞先君知縣云有一士夫病渴疾諸醫皆用渴藥治療累載不安有一名醫誨之使服加減八味丸不半載而疾痊因疏其病源今醫者治癰却以生津液止渴之藥誤矣其疾本起於腎水枯竭不復上潤是以心火上炎不能既濟煎熬而生渴今服八味丸降其心火生其腎水則渴自止矣復疏其藥性云內北五味子最爲得力此一味獨能生腎水平補降心氣大有功效家藏此左親用有驗故敢詳著之使有渴疾者信其言專志服餌取効無爲庸醫所惑庶廣前人之志如臂痛脚氣風氣四肢拘攣上氣眼暈肺氣喘嗽消食利小便久服輕身聰明耳目令人光澤多一老人冬月口舌生瘡作渴心脉大而實尺脉大而虛予謂乃

下消證也患在腎須加減八味丸補之否則後發疽難療彼以爲迂仍服三黃等藥降火次年夏令果患疽而歿東垣曰膈消者以白虎加人參湯治之中消者善食而瘦自汗大便秘小便數脈訣云口乾饒飲水多食亦肌虛成消中者調胃承氣湯三黃丸治之下消者煩躁引飲耳輪焦乾小便如膏○又云焦煩水易虧此腎消也六味地黄丸加五味子內桂治之總錄所謂未傳能食者必發腦疽背瘡不能食者必傳中滿鼓脹皆謂不治之證潔古老人分而治之能食而渴者白虎加人參湯不能食而渴者錢氏白朮散倍加葛根治之上中既平不復傳下消矣前人用藥厥有旨哉或曰未傳瘡疽者何也此火邪盛也其瘡痛甚而不潰或赤水者是也經云有形而不痛陽之類也急攻其陽無攻其陰治在下焦元氣得強者生失強者死

一婦人面患毒焮痛發熱作渴脈數按之則實以涼膈散二劑少愈以消毒藥數劑而平

一男子有患疽作渴脈數有力以黃連解毒湯三劑而止更以仙方活命飲四劑潰而愈

一男子潰而煩渴不安以聖愈湯二劑而寧以人參黃芪當歸地黃四劑渴止以八珍湯二十餘劑而愈大抵潰後有此證屬氣血不足須用參芪以補氣當歸地黃以養血若用苦寒之劑必致有誤

一男子患毒作渴右關脈數以竹葉黃芪湯治之少愈更以補中益氣湯加黃芪而愈

一男子潰後口乾遇勞益甚以補中益氣湯加五味子麥門冬治之而愈更以黃芪六一湯而斂

附方

減八味丸 治瘡瘍痊後及將痊口乾渴甚則舌或生黃及未患先渴此腎水枯竭不能上潤以致心火上炎水火不能既濟故心煩燥作渴小便頻數或白濁陰痿飲食不多肌膚清或腿腫脚先瘦服此以生腎水降心火諸證頓止及治口舌生瘡不絕

山藥 一兩 桂心 去皮半兩 山茱萸 淨肉一兩 澤瀉 切片蒸焙

白茯苓 各半 五味子 炒二兩 牡丹皮 一兩

熟地黃 用生者八兩酒洗 銅器蒸干日搗膏

為細末入二膏加煉蜜少許丸梧子大每服六七十九五更初未言語前或空之用鹽湯送下

涼膈散 治積熱瘡癤勿炊痛發熱煩渴大便秘及咽腫疔瘡或生

連翹 二錢 山梔子 炒 大黃 炒 薄荷 黃芩 各五分

甘草 半錢 朴硝 五分

作一劑水二鍾煎八分食遠服或為末每服五錢水一鍾煎七分溫服亦可

仙方活命飲 方見發背門 黃連解毒湯 方見作嘔門

補中益氣湯 方見潰瘍發熱門 竹葉黃芪湯

淡竹葉 二錢 生地黃 麥門冬 去心 黃芪 炙 當歸 酒拌

川芎 甘草 黃芩 炙 芍藥 人參

半夏 姜製 石膏 煨各二錢

作一劑水二鍾煎八分食遠服

八珍湯 方見潰瘡發熱門 聖愈湯

獨參湯 二方見杖瘡門

薛天醫安 外科發軍卷之五

黃芪六一湯 治潰後作渴若人無故作渴必發癰疽宜常服
此藥可免患

綿黃芪

六兩一半生焙一半鹽水
磁器盛飯上蒸三次焙乾

甘草

一兩半
生半灸

每劑一兩用水二鍾煎八分食遠服或為末每服二錢早晨
日午以白湯調服更妙加人參尤効

作嘔

喜寒惡熱而嘔者宜降火 喜熱惡寒而嘔者宜養胃氣

脈實便秘而嘔者宜瀉火 脈細腸鳴腹痛瀉而嘔者托裏

一男子胸患毒癩腫喜冷脈洪數以黃連解毒湯二劑頓退更

以金銀花散六劑而消

一男子因瘡痛傷胃氣少食作嘔惡寒以六君子湯加當歸四

劑少愈以十宣散加白朮茯苓陳皮數劑而膿成針之又以前

散去防風白芷數劑而痊

一男子患發背腫硬煩渴便秘脈沉實作嘔以內疎黃連湯二

劑少愈以金銀花散四劑并隔蒜灸而消

一男子腋下患毒嗽逆不食腸鳴切痛四肢厥冷脈細以托裏

溫中湯二劑頓愈更以香砂六君子湯二神丸而飲食頓進以

十全大補湯下十餘劑而斂

一婦人脾氣素弱患毒未作膿發寒熱兼嘔以不換金正氣散

二劑而止以托裏散六劑而潰更以健脾藥而斂

一癰婦惡心少食服解毒藥愈嘔此胃氣虛也以六君子湯加

生薑治之而安戴氏名元禮南院使云如惡心者無聲無物欲吐不吐

欲嘔不嘔雖曰惡心實非心經之病皆在胃口上宜用生薑蓋

能開胃豁痰也

附方

黃連解毒湯 治積熱瘡瘍焮腫作痛煩躁飲冷脉洪數或口
舌生瘡或疫毒發狂

黃芩

黃栢炒

黃連炒

山梔各一錢半

作一劑水二鍾煎七分熱服

六君子湯 治一切脾胃不健或胸膈不利飲食少思或作嘔
或食不化或膨脹大便不實面色痿黃四肢倦怠

人參

白朮炒

茯苓

半夏姜製

陳皮各一錢

甘草炙五分

作一劑水二鍾薑三片棗二枚煎八分食遠服

香砂六君子湯

治一切脾胃不健飲食少思或作嘔或過服
涼藥致傷脾胃即六君子湯加藿香砂仁

托裏溫中湯

治瘡為寒變而內陷者膿出清解皮膚涼心下

痞滿腸鳴切痛大便微澹食則嘔氣短吃逆不絕不得安臥
時發愒憤

丁香

沉香

茴香

益智仁

陳皮

木香

羌活

乾薑炮各一錢

甘草炙

附子炮去皮臍各二錢

作一劑水二鍾薑三片煎八分不拘時服

按羅謙甫曰經云寒淫於內治以辛熱佐以苦溫薑附大辛熱
溫中外發陽氣自裏之表以為君羌活苦辛溫透關節炙甘草
溫補脾胃行經絡通血脉胃寒則嘔吐吃逆不絕不下食益智
丁沉大辛熱以散寒為佐瘡氣內攻氣聚而為滿木香陳皮苦
辛溫治瘡散滿為使

十宣散

方見發背門

金銀花散

消毒托裏止痛排膿不問腫潰並効

神效

外科類聚卷之五

五

月

金銀花

黃芪

鹽水浸炒當歸

酒拌甘草

各等分

為末每服一二錢滾湯調入酒少許服大人每服一兩水煎

服隨飲酒二三杯

隔蒜灸法

方見發背門

十全大補湯

方見潰瘍發熱門

不換金正氣散 治瘡瘍發熱之人脾氣虛弱寒邪相搏痰停

胸膈以致發寒熱服此正脾氣則痰氣自消寒熱不作

厚朴

去皮薑製

藿香

半夏

姜製

蒼朮

米泔浸

陳皮

去白各三錢

甘草

炙五分

作一劑水二鍾薑三片棗二枚煎七分發遠服

二神丸 治一切脾腎俱虛侵晨作瀉或飲食少思或食而不

化或作嘔或作瀉或久瀉不止如脾經有濕大便不實者神

効常治一切脾腎不足之證無不効也李誠封邦秀僅年

踰四十遍身發腫腹脹如鼓甚危諸藥不應服此丸數服飲
食頓進其腫漸消兼以除濕健脾之劑而愈

破故紙

四兩炒

肉苳蔻

二兩生用

右為末用大紅棗四十九枚生薑四兩切碎同棗用水煮熟
去薑取棗肉和藥丸梧子大每服五十九丸空心鹽湯下

夫蓋頭藥肉味藥式計子大拜頭五十大空心益馬丁
式蓋末頭大碎藥四十大林老蓋四兩以林同藥水涼
解苦藥四兩 肉荳蔻二兩
介則蒸其種藥以刺點對瓶之廣而飲
備四十瓶裏前數頭藥味楚身或清藥下瓶用此收護頭

